

Q. D. B. V.

LIBRARIA CANTABRICA

DISSE²⁰RAT^TO GRADUALIS,
VINDICIAS VETERUM
DRUIDUM
HYPERBOREORUM
SISTENS,

QUAM

Consentiente Ampliss. FACULT. Philos. Reg. Lycei
Aboënsis

SUB

PRAESIDIO

MAG. JOHANNIS
BILMARK,

HIST. & PHIL. PRACT. PROF. REG. & ORDIN.

Publice Defendet

JONAS KIELLGREN,

WESTRO-GOTHUS.

IN AUDITORIO SUPER. DIE XXIV MAJI ANNI MDCCLXIX,
H. A. M. S.

ABOÆ Typis Joh. CHRISTOPH. FRENCKELL.

VIRO Admodum Reverendo atque Praeclarissimo,
D:no Mag. JONÆ KIELLGREN,
Ecclesiarum, quæ DEO in Floby & Adnexis colliguntur,
PASTORI, & Nomarchiaæ Wilskensis PRÆPOSITO
laudatissimo,
PARENTI OPTIMO.

Vitricus, Hyrcana cui tigride durior est mens,
Debeat immota si pietate coli;
Quas TIBI dem grates, mibi quam, PATER Optime, adesse,
Cui non cura prior posteriorve fuit.

Tu puerum studiis formasti & moribus ipse,
Et Duce TE Pindi semita dulcis erat:
Nec posthac Juveni, geminus quem fovit Apollo,
TE piguit sumitus suppeditasse mibi.

Ergo licet nunquam TIBI rite rependere possim,
Cum tæque sint meritis dona minora TUIS;
At patiare tamen, GENITOR charissime, grati
Hoc ut fiat opus pectoris arba mei.

Vive DEO, PATRIÆ, TIBIMET Stirpique per annos
Nestoris, ad superas dum datur ire domos.
Ita vovet semperque vovebit

PARENTIS OPTIMI

obsequentiissimus filius
JONAS KIELLGREN.

§. I.

Quod Tibi, B. L. nanc exhibemus Specimen Academicum non cavillandi pruritus, nec contradicendi pertinax studium, sed quod præfiscine dixem, ingenua a nobis extorsit modestia. Adeo simplices enim nos formavit Natura, ut præcordia nostra præ dolore palpitent, quoties audimus cuius demum cumque famam aculeatis dictis aut fictis sermonibus præter meritum proscindi, minimeque probamus consuetudinem Atheniensium, qui plus argutæ **THEMISTOCLIS** eloquentiæ, quam expertæ **ARISTIDIS** innocentiae tribuerunt. Imprimis autem male, supra quam dici potest, nos habet, dum cineribus defunctorum Virorum quis temere insultare audet, ipsosque ferociter accusat, qui pro se ipsis verba amplius facere non possunt. Quanto, quofo, melius ipsis Gentiles, quamvis a verae virtutis cognitione longissime fuerint remoti. Apud ipsos enim invaluit Canon: Quod de defunctis quis non nisi bene loqueretur. Quod si enim ipsis hostes ab omni humilitate alienum putent, illa violare loca, in quibus Viri, qui vitam cum morte commutarunt, placide quiescunt, ipsique Carthaginenses, at quam truculentus populus! sibi a Diis immortalibus immissam pestem ob vastata sepultra crediderint; quanto majus piaculum erit habendum, famam pridem demortuorum, quam vita etiam cariore habuerunt, ideo lacestere, quod ex sua decempeda ipsos metiri vel impune possint, vel opinionem quandam ingenii sibi ita acquirant. Quamobrem quum nuper inciderimus in scriptum, cuius Auctor prolixe exponit res gestas veterum Druidum Hyperboreorum, eosdem post tot sæculorum decursum non coloribus

depingens, sed aterrimo carbone notans, Duces fecutus
 non annales, qui supersunt, sed exagitatam suam ima-
 ginationem, scilicet ut pravitatem *Officialium*, sit venia
 verbo barbaro, inde a prima imperii Svio - Gothici
 constitutione ad nostra usque tempora continua serie
 ostenderet; igitur & virtus & veritas id officii nobis in-
 junxerunt, ut vindicias horum Heroum in nos susci-
 tremus. Statim vero fatendum, quod in hoc orbis an-
 gulo expiscari non potuerimus meletematis illius Aucto-
 rem: sed si dicendum quod res est, nec ullam huic neg-
 otio impendimus operam, nihil enim nostra refert,
quis sed *quid* scriperit. Non tamen dissimulandum,
 quod novus hicce Auctor parum favere videatur tam
 eruditioni, quam Societati civili. Ecce enim quam he-
 deram scripto suo vendibili suspendit: *Tum inclius vul-
 gus rude & indoctum, --- quasi nunc Principes ipsi. I.G.*
VOSSIUS. Ita autem haud obscure patrocinatur celebri
ROUSSEAU, qui litterarum culturam ad depravationem
 morum contulisse, speciosis quibusdam argumentis o-
 stendere est conatus, sed cui paradoxæ opinioni dudum
 deterserunt fucum prudentiores. Deinde fingit se soci-
 um fuisse Romanis, propter impotentiam fœneratorum,
 non *Officialium*, ut habet Auctor, quippe qui pecunias,
 nisi hereditate forte acceptas, collocare non valent, in
 Monte Sacro Romæ congregatis, ibique audivisse **MENE-**
NIUM AGRIPPAM, non **CLAUDIUM**, ut perhibet
 Scriptor, exulcerata civium pectora ad concordiam si-
 militudine ventris, sine cuius placido ministerio totum
 corpus brevi fatisceret, revocantem; nec dissimulat, quod
 Oratoris Romani amicam propositionem hoc mysteri-
 smo excepisset: Et ipse ventrem habeo, nec æquum pu-
 to ignavis adminicula vita sustentanda præbere, quæ
 meo studio & labore mibi soli paravi. Felix Roma,
 quæ

quæ ingenuos magis aluit cives, quam ut similem cum Auctore opinionem, ne quidem in turbato illo reipublicæ Statu, foveret: ter autem quaterque infelix civitas, in qua cives Socialitatis sensu adeo destituuntur, ut sui ipsorum tantum sint idola, nec alios juxta se facile ferant. Enimvero si tales uspiam inveniantur, ipsa tamen experientia nos convincit, eorum numerum esse opinionem ratiorem; quare illorum placita nunc mittimus, Druidas tantum veteres Hyperboreos consideraturi: sperantes, B. L. innoxios nostros conatus in meliorem partem fore interpretaturum.

§. II.

Quamvis ætas OTHINI I., FORNIOTHERI vulgo dicti, in tempora admodum obscura incidat; attamen si vel naturam ducem sequamur, quodammodo nobis formare possumus imaginem imperii, quod tunc per Septemtrionales oras obtinuit. Verisimile igitur est, aliquot familiarum Scythicarum centena, irruptionibus Persarum Regis DARII HYSTASPIS exagitata, ad Scandinaviae terras, ea adhuc tempestate incultas, sese contulisse, fassis penatibus præsidium & asylum quæsitura. Quemadmodum vero quum quis peregrinam ingreditur domum, omnia prius circumspicit & modeste, saltim in initio, se gerit; ita quoque primi Scandiæ incolæ, quum hinc hostium quorumcunque subitanæas invasiones, inde autem rabiem ferocissimorum animalium in sylvis nostris frequentissimorum valde extimescerent, & proinde plus satis sentirent, quam esset necessarium, ut consilia ac vires conjungerent, si se suaque tueri vellent; credere par est, quod paucæ tunc fuerint inter cives contentiones, & si quæ forte existenterint, eisdem mox sint compositæ, uno litigantium, quod nimium esset, non

Iante, altero autem, qui se humani quid passum sponte animadvertis, æquam damni reparationem non denegant. Rebus autem ita constitutis & quamdiu paucissimi essent cives, quorum singuli amplissimis vitæ sustentandæ adminiculis fruebantur, nulli in patria nostra fuisse vi-dentur *Officiales*, saltem perpetui, qui scilicet & justa inter ceteros eminebant auctoritate & debitibus gaudebant stipendiis, cum ipse FORNIOTHERUS, hujusque posteri, qui in imperium ipsi successerunt, in concordi illa paucitate admodum sufficerent rebus publicis tam ci-vilibus quam sacris administrandis. Exemplum sententia nostræ luculentissimum præbet Historia Israëlitarum, qui postquam sub auspiciis Divinis ex Ægypto essent educti, atque in itinere per deserta ancipiti sæpius premeren-tur periculo, MOSES solus obortas inter ipsos controversias diremit, omniaque munia publica obiit. Non e-quidem negamus, quod huic operi, quum omnia ipse cognoscere voluerit, integros in principio impenderit dies, sed quanta ne fuit peculii hujus Divini multitudo, & quam parum ipsa sua sorte contenta? E contrario autem Majores nostri & oppido pauci sub Dynastia FORNIO-THERA, & æquanimiores erant, ideoque in officiorum tramitem, si quando ab ipso declinassent, facilius redu-cebantur. Demus autem isthac tempestate quosdam in Scandia fuisse *Officiales*, five *Druidas*, five alio quo-cunque nomine insignitos, ipsa tamen imperii constitutio aliæque circumstantia evincere videntur, quod illi potestate sibi concessa abuti in oppressionem civium nec potuissent, si voluissent, nec voluissent, si potuissent. Invaluit enim temperatum imperii genus, per quod cives in partem regiminis venerunt, adeoque populus certis temporibus congregatus a Principis Consiliariis non solum rationem negotiorum gestorum postulavit, sed etiam in illos a-animad-

animadvertisit, qui ipsis factis se indignos monstraverant gradu honoris, quem obtinuerant. Præstantiores autem cives propensa civium suorum voluntate moti, nihil omnino moliti videntur, quo familiaritate & auctoritate sibi concessa indigni judicarentur, sed omnes curas in id impenderunt, ut libertatem & tranquillitatem civium sartam tectamque conservarent; probe gnari, quod hoc cardine ipsorum fama & potestas verteretur.

§. III.

Sub posteris OTHINI I. ad eundem tenorem, quem ipse instituerat, negotia publica administrabantur. Seniores enim populi toties, quoties necessitas postulavit, convenerunt, ut in rebus dubiis suam & fidem & prudentiam Princibi testatam facerent. Quumque deliberationes simplici ista ætate moram non admodum longam requirerent, gratis quoque operam suam gratis civibus commodarunt; siquidem res ipsorum domestica nihil inde pateretur detrimenti. At postquam Asgardia Princeps SIGGE FRIDULPHI filius, seu OTHINUS II. ad Scandia oras accessisset, simplicemque ac superstitiobibus devotum GYLFONEM ita circumvenisset, ut hic illi summam Imperii Svio Gothici traderet, magna quoque heic facta est rerum conversio. Primo enim quum OTHINUS II. non solum magna hominum caterva stipatus in Scandinaviam pervenerit, atque in tanta civium multitudine non potuerint non variae existere controversiae, quæ si vel indecisæ relinquerentur vel pugnorum aleæ committerentur, salus publica perquam turbaretur; igitur ut ad justitiæ trutinam dirimerentur, necessarium erat, ut certi constituerentur Viri, qui auctoritate pollerent & a civibus convenientia acciperent stipendia, ne aliis continuo inserviendo suamque proinde

inde rem familiarem negligendo ad tristem rediguntur inopiam. Hujus rei necessitas tanto magis elucebit, si consideremus, quod duæ essent gentes, quæ nunc in unam coalescerent, quod etjam se invicem lippis intuerentur oculis, adseclis Othini pri-scos incolas præ se contemnentibus, ipsos *Rimtussar* appellantibus, aliisque convitiis eos exagitantibus, sese autem Divinæ esse originis jactantibus, unde tam fervide ortæ sunt contentiones, ut earundem semina nondum in seris nepotibus penitus deferbuisse existiment, qui indolem Nationis Svio-Gothicæ se ad unguem cognoscere videri volunt. Ut huic malo medelam, quantam posset, adferret sagacissimus Othinus, proceres quosdam constituit, quos peregrini *Druidas*, nostri autem *Diar & Drotter* seu *Drottnar* nuncuparunt, quorum officii summa erat, religionem tutari, sacrificia tum anniversaria tum etjam dialia procurare, jus populo dicere, poeniasque a fontibus exigere. Id quod pulchre nos docet STURLONIDES his verbis: þat var va Síver at tolf Hofgoðar voro Ózster, skyldo þeir rasa fyrer Blotom oc Domom Manna imille; þat ero Diar kaldær, eður Drottnar; þem skylde þjónostó veita oc Lotning allt folk, h. e. ex versione PERINGSKJOLDI: Ibi-que mos obtinuit, ut duodecim Praefecti, ceteris eminentiores Diar seu Drottnar hoc est Principes seu Domini dicti, curam gererent sacrorum & populo jus dicerent. Hisce omnes ac singuli honorem plane singularem & officia insuper debita præstarent (a). An aliqua olim fuerit differentia inter *Diar* & *Drottnar*, adeo ut hi, sicut perhibent nonnulli, essent, qui jura populi contra impotentem tuerentur dominationem, illi autem sub specie Religionis conservandæ re ipsa potentiam Othini in præjudicium libertatis civilis auxerint, tanto

tanto magis ambigimus, quod ipse STURLONIDES, rerum antiquarum OEdipus, utrosque hos officiales non distinguat sed conjungat. Ceterum Regibus hos in honore proximos fuisse necesse est, quum ante Svethix Regis, DYGVONIS, tempora ipsi Reges subinde *Drottar* seu *Drottmar* appellarentur (b), inde deducto nomine, quod *Ieir Drottndadu* dominarentur *yfer Drót* populo (c). Hinc natum est primum illud solemneque proverbium, quo dicitur: *Dyrt är Drottins ordit*, hoc est, ut illud ad verbum vertit LOCCENIUS: *Magnō pendendū est Regis verbum* (d), seu vertente VERELIO: *Magni aestimandū est mandatum Regis* (e). Nec hoc loco erit reticendum, quod præter Druidas sub Dynastia Ynglingica præcipuae dignationis fuerint cum Skaldi seu Poëtae, qui Regum quidem facta argute celebrarunt, sed ab adsentationis fuso plerumque fuerunt alieni, quid Regi vel conveniret vel non, graviter modulantes, tum sic dicti *Speakingi*, qui, qua polluerunt prudentia ac rerum experientia, Regibus optima consilia in rebus dubiis subministrarunt, nec non executioni Legum sedulo invigilarunt.

(a) Vid. *Heimskringl.* Tom. I. p. 2. (b) Confr. *Libr. cit.* p. 20. (c) Vid. *VERELII Lexicon Scando-Scyth.* p. 53. (d) Vid. *Ejusd. Antiquit. Svo-Goth. Libr. II. Cap. 2.* (e) Vid. *Ejusd. Libr. cit.* p. 55.

§. IV.

Quamvis non negemus potestatem Patris in suam familiam ab ipsa natura concessam, suis gaudere commidis, vel quod veteres Hyperborei cum aliis gentibus id commune habuerint, quod liberis suis atque domesticis magna auctoritate præfuerint; non tamen nobis persuadere possumus, vel quod isthac potestas diu consistere

potuerit, aucto imprimis genere humano, vel quod ipsa
 sit libertatis civilis tantopere desideratae argumentum.
 Postquam enim primi Scandinaviae incolae, ut de his
 speciatim nunc loquamur, sedes sibi fixissent certas, &
 tam agricultura quam aliis vitam sustentandi adminicu-
 lis, opulentiam quandam consecuti fuissent; factum est,
 ut partim parentes minus rigidam, quam necessitas pri-
 dem imperaverat, in liberos exercent disciplinam, par-
 tim liberi ex indulgentia Patrum ferociores evaserint.
 Quare LYCURGUS prævidens disciplinam publicam, a se
 institutam, domestice proximam, nequaquam fore per-
 petuam, si opulentiae promulgatam gustassent Spartani,
 ipsos inopiae squalorem eluctari passus non fuit. Esto
 itaque, quod OTHINUS II luxum Asiaticum in Patri-
 am nostram secum advexerit, de qua tamen re tanto
 magis dubitare licet, quod Scythæ Asiatici, a quibus
 ille ortus, omnem fastum contemserint; at nisi hoc tum
 esset, tamen post obtenta halcyonia & fixas fortunarum
 sedes necessarium fuit, ut opulentiores sensim redderen-
 tur Scandinavi, & proinde a pristina simplicitate descis-
 cerent, adeoque vitia inter ipsos capita sua passim ex-
 fererent. Ut hæc reprimerentur, opus omnino fuit, ut
 certi constituerentur Judices atque Officiales, qui de actio-
 nibus civium quæstionem haberent, latasque sententias
 exsequendas curarent, quam severitatem Patres familiarum
 a tenero in liberos suos affectu alienam duxerunt. Quæ-
 ri autem potest, annon OTHINUS Druidas constituendos
 suæ potius potentiae augmento, quam libertati atque
 tranquillitati civium consuluerit? Vix in hanc censuram,
 latem ex merito, incurrit Princeps modo memoratus. Erat
 enim extraneus, ex natali solo a Romanis nuper expul-
 sus, novum intraverat regnum, cuius cives adeo adhuc
 feroce erant, ut ne minima ferrent molimina, quæ in
 suam

suam tenderent oppressionem. Docet igitur Historia, quod institutis suis gratissimum se reddiderit populo Svio-Gothico, adeo ut hic illum ut beneficium quoddam Numen etiam post fata veneratus sit; quod impotentem dominandi libidinem non arguit. Sed urgent adhuc dissidentes: Sicut necessarium non est, ut corpus humanum variis laboret morbis & infirmitatibus, ideo quoque fallunt & falluntur, qui contendunt, Societatem civilem sine Officialibus, semper negotiosis, consistere non posse. Facilis autem est responsio: sicut necessarium est, ut si corpus humanum morbis laboret, eidem adhibeantur remedia, quae sanitatem restituant; ita cum in statu Naturali & qua animam & qua corpus simus valde infirmi, connataque pravitas in detrimentum generis nostri vim suam continuo exferat, ergo requiritur, ut huic malo in statu civili medela adhibeatur, quod fit per idoneos constitutos Officiales, qui legum executioni & ordinis conservationi juciter invigilant, quiique proinde non ipsi sunt morbi, sed contra morbos & carcinomata aptissima, quae ingenium humanum excogitare potuit, remedia. Tales in imitiis terumpublicarum fuerunt Patres familiarum & Seniores populi; tales etiamnum sunt omnes Officiales legitime constituti, qui muneribus suis rite funguntur. Deinde observandum est, quod potestas Patrum familias eminens ideam quandam libertatis expetenda nobis minime prebeat. Quis enim ignorat, quod liberi & domestici ita paruerint hero seu despota, ut jus vita ac necis in ipsis subinde exerceret, & ob minima delicta ipsis punire posset, non observans tam justitiae regulas, quam exulcerati pectoris aut aestuantis affectus vindictam. Sed animadverto insuper OTHINUM II ideo taxari, quod bellum hereditarium (*Vigarf*) instaurerit, eum scilicet in finem, ut sic eos, qui sibi suæque

Familiae minus bene cuperent, ad exteras regiones & belorum discrimina mitteret, ne sua auctoritate illius instituta interverterent. Quamvis autem callido OTHINI ingenio multum tribuamus, vix tamen credimus, quod simplici ista tempestate perversa invaluerit consuetudo, præstantiores & de ceteris optime meritos cives in longinquam mittendi militiam, ne sibi moras necerent. Nec hoc inventum concernebat egregios in civitate viros, ut Ostracismus apud Athenienses & Petalismus apud Syracusanos, sed omnes, qui gloriae & potentiae acquirendæ studio flagrarent. Quid? Quod si Scandiani animadvertisserent, hereditario hoc bello sibi insidias strui, quod post aliquot annorum decursum deprehendere potuissent, sine dubio longinque huic militiae nuntium mississent. Probabilius igitur est, quod OTHINUS bello memorato acuere voluerit fortitudinem veteranum Scandianorum, ne nimio orio torpescerent, sed ad omnem fortunæ casum essent parati.

§. V.

Audiamus vero quænam sint illa mala, quæ post constitutam Druidum potestatem Patriam nostram affixisse credunt illi, qui Statum publicum hujus temporis sibi ita perspectum habent, ut rationes etiam singulorum molilinium sibi in numerato esse videri velint. Scilicet ut Druidas eo magis sibi devo'os redderet OTHINUS, certa illis adsignavit stipendia; quibus autem pendendis quam opes hujus Principis non sufficerent, tributi quoddam genus singulis imposuit civibus. Hac de re ita loquitur STURLONIDES: *Um alla Suiþjöf gulldu Menn Opinn Skattpenning fyrer Nef buert: Eum bann skyllde zerja land þierra fyrer Ufriðe oc blota þeim til Ars,* hoc

hoc est: Per totam Svioniam O'THINO singula capita certo numero censebantur, qui vicissim fines illorum defenderet, bella & hostiles machinationes propulsaret, sacrificiaque annua pro frugum abundantia procuraret (a). Enī gravius vitium ab O'THINO in administratione regni commissum, quam ut ipsi condonari queat. Cur enim prater necessitatem distentas civium crumenas ita emunxit? Sed bona verba quæsumus. Quid? Si cives ipsi hunc nervum rerum gerendarum sponte sua obtulerint, quod planius ex allatis STURLONIDIS verbis sequitur, quam quod ille memoratum tributum ab ingratis ci-vibus expreſſerit: hoc certe in casu non erit taxandus, quod vectigali hoc in suam & populi salutem uteretur. Sin minus, cogitandum est, quod tributa adſimilari queant vaporibus, qui a terra paullatim, nulla cum hu-jus diminutione, in aera adſcendunt, sed justo tempore cum abundanti pluvia redeunt, terramque fœcundant. Quam igitur cara nobis est publica & huic innexa privata felicitas, tam facilis quoque erit ingenuus quilibet civis in symbolis Principi conferendis, sine quibus ipſe & ſibi & ſuis deefſe cogitur. Enī vero dicunt: tributa hæc fuſſe tantum stipendia Druidum seu Ardelionum quorundam in aula degentium & ſua commoda cum civitatis diſpendio quærrentium. Nos autem potiſſimum credimus STURLONIDI, qui tributa hæc & destinata & adhibita fuſſe docet, ut OTHINUS bella impediret & sacrificia procuraret, non autem in uſus, qui finguntur tantum, ludicros. Falluntur etiam quotquot OTHINO tribuunt institutionem Proprietatum Upsaliensium (*Uppsala-Ode*), quum harum Auctor fuerit Svetiæ Rex YNGVE-FREY, qui ut cultum Deorum ſplendidiores redideret, Numinisq; gratiam, cuius luculenta quotidie experiebatur documenta, ſibi ſartam teſtamque conſervaret, ſuf-

fragantibus civibus, tam piis usibus redditus quorundam prædiorum adsignavit (b). An hoc invento sibi vel populo male consuluerit, is demum adseret, qui felicitatem civilem ex illibatis opum cumulis tantum estimat. Verum quidem est, quod templum ab OTHINO conditum auro & argento fulserit, sed hæc metalla vix ex civibus extorquebantur, quin potius barbara præda fuit, quæ ad Patrios DEOS redhostimenti loco ponebatur. Sed inquiunt dissentientes, hæc omnia felicitatis specimen tantum mentiuntur, quum introducta Asiatica superstitione simplices virtutes, quibus veteres incolæ emicuerunt, in exilium pellerentur, adeo ut ab isthoc momento liberi ipsorum facti sint ignavi fuci, & quot Officiales, tot etiam exstiterint industriorum civium Domini. Simplicitatem morum primis incolis nemo negabit, sed quæ tanta fuit, ut in barbariem fere vergeret, siquidem ipsis insolens non fuerit, per campos vel nudos vel ferinis pellibus male indutos incedere, glandibus radicibusque arborum vesci, fontibus obviis sitim levare, speluncas habitare & vicinos atque consanguineos modo timere, modo rursus illis terrorem injicere, qualis horrenda scena luditur, dum homines sibi suæque pravitati relinquuntur. Sed pergunt argumentando: multitudo negotiorum necessario postulavit multitudinem Ministrorum, qui cum Principis gratiæ suos deberent honores, ad ejus quoque arbitrium sua referebant molimina, ab OTHINI munificentia exspectantes, quod sudore sibi comparare deberent. Quid vero si Officiales huius redditus ex prædiis Regiis suisque villis sine reliquorum ci-vium detrimento auxerint, quod fieri etiam tum potuisse nemo sanus negabit, nonne sic magis regno profuerint, quam obfuerint? Non vanam esse hanc suspicionem tam THORGNYRUS, quam alii Viri illustres,

fuis

Iuis exemplis comprobant, qui vere Dictatores ab atra-
 tro fuerunt, quippe qui publica negotia administrando
 privatis operibus manus admovere non detrectarunt.
 Multum præterea garriunt de spatiosis & semper pa-
 tentibus OTHINI atriis, auroque undique fulgentibus,
 quæ cum PLINIO, de Pyramidibus Ægypti differente,
 ad Regum pecunia otiosam & stultam ostentationem
 referre videntur. Hæc autem atria, quæ OTHINO tri-
 buuntur, quum in annalibus nostris non memorentur,
 sed imaginationi Auctoris suam debeant existentiam, ima-
 ginarium quoque erit, quod inde petitur argumentum ad
 Officiales omnes atro carbone notandos. STURLONI-
 DES enim de OTHINO tantum perhibet, quod Tem-
 plum exstruendum curaverit, idque pulcherrime or-
 naverit, quod institutum non aliis taxabit, nisi qui mol-
 imina etiam maxime innoxia habet suspecta. Esto autem,
 quod sub auspiciis OTHINI atria quedam fuerint exstructa,
 & quod ipsa vario ornamentorum genere fuerint con-
 spicua, nihil tamen vel in his erat insolens vel quod di-
 gnitas Majestatica non postularet. Quod vero ipsa fue-
 rint patentia hoc satis evincit, quod Reges Svetiæ, ut
 veri Patriæ Patres, civibus cuiuscunque conditionis fa-
 cilem ad se aditum concederint, nec ipsorum preces al-
 to fastidiverint supercilie. De cetero quicumque secum
 cogitaverit simplicem & plane incommodam Archi-
 tecturam, quæ sub Svetiæ Rege FJOLNERO adhuc ob-
 tinuit, næ illi atriorum OTHINI admodum magnificam
 non concipiet opinionem. Eodem loco sunt habenda,
 quæ de OTHINI corvis siue Ministris traduntur, scilicet
 quod lautam atque otiosam degerint vitam; STURLO-
 NIDES enim docet, quod ipsorum munus fuerit, pere-
 grinas regiones peragrare, vicinorum Principum moli-
 imina expisci, OTHINOque referre quidquid scire sua

interes-

intereiset, quod aëæ plenissimum opus & remuneratio-
ne dignissimum esse, nemo, nisi stipes, negabit. Enim
vero quis aniles omnes nugas, quæ a dissentientibus
proponuntur, & quarum nec vola nec vestigium in
priscis occurrit monumentis, recensebit, quamvis recen-
suisse esset etiam refutasse. Audiamus potius quid de Of-
ficialibus censuerint Veteres. Sic Svethiaæ Rex BIRGE-
RUS de legibus antiquis ita loquitur: *Lagha yrkir war
Wigbar Spa, hedbin i hedbnunum tina: ban war utsänder
af Ængjald Smea Konung h. e.* Legislator fuit *Wigber
Spa*, qui sub gentilismo vixit & ipse gentilis, quem con-
stituit Svethiaæ Rex INGJALDUS. Quod necessarium hoc
sit munus quisque animadvertisit, qui cogitaverit, quod
exlex vitæ genus naturæ humanæ minime conveniat. Nec
illud erit reticendum, quod forma imperii Svio-Gothici
sub tota Dynastia Ynglingica fuerit temperata, cives-
que libertatem suam auro contra & argento cariorem
habuerint, id quod gravissimæ Orationes, quas Legiferi
THORGNYRUS, EMUNDUS, aliqui Proceres ad Reges
habuerunt, dum nimiam sibi arrogare voluerunt domi-
nandi potestatem, satis comprobant, item quod inde ab
antiquissimis temporibus Officiales fuerint firmissima
populi contra impotentem dominatum præsidia.

(a) Vid. *Heimskringl. Tom. I. p. 10.* (b) Vid. *Libr.
modo cit. p. 12.*

§. VI.

Haud operosum jam foret, tum ad singulas quæ-
stiones a dissentientibus propositas, quibus jugulum qua-
si famæ veterum Procerum Hyperboreorum petunt, re-
spondere, tum etiam responsiones ab ipsis allatas, quas
ingenua

ingenua ratio non dictitavit, sed turbulentus adfectus expressit, rite emendare; verum quum insulis conjecturis nemo sobrius acquiescat, hoc labore merito superfedemus. Interim cum adversarius quæstionibus proponendis impense delectetur, in ejus gratiam quærere nobis liceat, quos officiales ipse intelligat, aut illos, qui sub Yinglingica tantum Dynastia vixerint, aut illos, qui honorificis nunc in Patria funguntur muneribus, si quidem modo in illos, modo rursus in hos suam dirigat censuram? Si illos; profecto ipsi pro laboribus, tam in toga quam in fago exantlatis, hanc saltem meruerunt gratiam, ut si non celebrandi, fama tamen eorum post obitum non ita erit labefactanda, ut sine ulla rationum specie frivole contendatur, quod quamprimum quis in senatum OTHINI fuerit admissus, proditor & perduellis simul invaserit. Si autem sub prætextu veterum Officialium præsentibus insultare velit, videat ne in Leges Regni fundamentales impingat, atque ita in indignationem tam Augustissimi REGIS, quam Celsissimum Regni Ordinum merito incurrat, quippe qui singulis, munus sibi commissum rite administrantibus, suum patrocinium contra malevolos calumniatores graviter promiserunt. Si autem in Officiales potestate sua abutentes tantum calumnum stringat, quales oppido paucos & olim & nunc apud nos dari tam æquitas quam humanitas nos credere jubent, non tanto opus fuisset sophismatum syrmate in re planissima & nullis dubiis obnoxia; siquidem quod is, qui indigne se gerat, indignus sit suo Officio & civium suorum benevolentia, vel per se pateat. Denique, ut paucis me expediam, tota adversariorum argumentandi ratio in Philosophiam Hobbesianam resolvitur. Ita autem ejus adseclæ calculos suos abducunt: Quicunque & voluntatem & potestatem

habent aliis mala inferendi, illi etiam in detrimentum
 aliorum sua dirigunt molimina: Atqui Officiales omnes
 & voluntate nocendi gaudent, quia natura omnes sunt
 pravi, & potestate pollut, quam ipsis indulserunt ce-
 teri cives. Ergo ab hoc hominum genere nulla ex-
 spectanda est felicitas, quomodo cumque enim se gerunt,
 pars reddituum publicorum ipsis cedet. Enimvero hic
 Syllogismus facili negotio & majori jure ita invertitur.
 Quicunque nec volunt nec possunt civibus suis nocere,
 ab illis nihil metuendum. Atqui tales sunt Officiales.
 Ergo. Non volunt, quia plerique luculenta probitatis
 ac moderationis specimina dederunt, antequam officiis
 fuerint admoti. Et si qui forte velint, ægre possunt aliis
 mala inferre, quia quo altiore honorum in gradu sunt
 constituti, eo ad graviorem actionum suarum rationem
 reddendam tenentur, quod publica salus & omnis ævi
 experientia comprobat. Qui porro dum privata negligunt
 commoda & publici causa se consumi patientur, æquum
 omnino est, ut a publico aliquam & laboribus condi-
 gnam reportent mercedem. Omnes igitur, quotquot in
 honorum gradibus Divina constituit Providentia, nihil
 de amore in Patriam vel Zelo in civium commodis
 promovendis remittant, quamvis forte ab invidis male
 audiant, nec eam, quam meruerunt, reportent grati-
 am; sed secum ita constituant, quod Regium
 fit benefacere & male audire.

